

[255154]-17



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՇԽԱՏԱՆՔԻ ԵՎ ՍՈՑԻԱԼԱԿԱՆ ՀԱՐՑԵՐԻ
ՆԱԽԱՐԱՐ**

Հ Ր Ա Մ Ա Ն

«15» օգոստոսի 2017թ.

N 106-Ն/Ս


**«ՀԱՅԿԱԿԱՆ ԿԱՐՄԻՐ ԽԱՉԻ ԸՆԿԵՐՈՒԹՅՈՒՆ» ՀԱՍԱՐԱԿԱԿԱՆ
ԿԱԶՄԱԿԵՐՊՈՒԹՅԱՆ ՍՈՑԻԱԼԱԿԱՆ ԾԱՌԱՅՈՒԹՅՈՒՆՆԵՐ ՏՐԱՄԱԴՐԵԼՈՒ
ԳՈՐԾՈՒՆԵՐՈՒԹՅՈՒՆԸ ՀԱՎԱՍՏԱԳՐԵԼՈՒ ՄԱՍԻՆ**

Հիմք ընդունելով Հայաստանի Հանրապետության կառավարության 2002 թվականի նոյեմբերի 14-ի N 1821-Ն որոշմամբ հաստատված Հայաստանի Հանրապետության աշխատանքի և սոցիալական հարցերի նախարարության կանոնադրության հավելվածի 12-րդ կետի «դ» ենթակետի, Հայաստանի Հանրապետության կառավարության 2015 թվականի սեպտեմբերի 10-ի N 1078-Ն որոշմամբ հաստատված հավելվածի 22-րդ կետի պահանջները, ինչպես նաև Հայաստանի Հանրապետության աշխատանքի և սոցիալական հարցերի նախարարի 2017 թվականի փետրվարի 16-ի N30-Ա/1 հրամանի համաձայն ստեղծված հանձնաժողովի 2017 թվականի օգոստոսի 3-ի եզրակացությունը «Հայկական Կարմիր խաչի ընկերություն» հասարակական կազմակերպության կողմից տարեց և (կամ) 18 տարին լրացած հաշմանդամություն ունեցող անձանց տնային պայմաններում խնամք և սոցիալական ծառայություններ տրամադրելու գործունեությունը հավաստագրելու վերաբերյալ».

Հ Ր Ա Մ Ա Յ ՈՒ Մ Ե Մ

1. Հավաստագրել «Հայկական Կարմիր խաչի ընկերություն» հասարակական կազմակերպության սոցիալական ծառայություններ տրամադրելու գործունեությունը համաձայն Հայաստանի Հանրապետության կառավարության 2015 թվականի սեպտեմբերի 10-ի N 1078-Ն որոշմամբ հաստատված հավելվածի 4-րդ կետի 1-ին ենթակետի «ա» պարբերության՝ «Տարեց և (կամ) 18 տարին լրացած հաշմանդամություն ունեցող անձանց խնամքը տնային պայմաններում»:

2. Հանձնաժողովին՝ եռօրյա ժամկետում ապահովել սույն հրամանը «Հայկական Կարմիր խաչի ընկերություն» հասարակական կազմակերպությանը առձեռն հանձնելը կամ փոստային կամ միջոցով հասարակական կազմակերպության տրամադրած (նշած) գտնվելու վայր ուղարկելը:



Ա. ԱՍԱՏՐՅԱՆ